



BOSNA I HERCEGOVINA
PRIVREDNA KOMORA KANTONA SARAJEVO

Broj: 04/MK/7-73/08
Sarajevo, 06.05.2008. godine

BOSNA I HERCEGOVINA
FEDERACIJA BOSNE I HERCEGOVINE
Ministarstvo energije, rudarstva i industrije
n/r mr. Vahid Hećo, ministar
Alekse Šantića bb, Mostar

Predmet: Inicijativa za izmjenu tarifnog sistema

Poštovani ministre Hećo,

Već duži vremenski period naši članovi imaju probleme sa održavanjem kontinuiteta proizvodnje, tj. redovnim snabdjevanjem sirovinama i materijalom, te redovnim dotokom plina i ostalih energenata.

Veći potrošači kao «Bitumenka» d.d. Sarajevo i drugi veći potrošači teško podnose poskupljenje plina jer susjedne zemlje svojim kompanijama isporučuju plin po znatno nižim cijenama a daju druge poticaje čime naše kompanije dolaze u veoma tešku situaciju, a dolazi u pitanje i dalji nastavak proizvodnje.

Stoga traže načine smanjena cijene plina za velike potrošače, kao i ukidanje carina kod nabavke repromaterijala.

U cilju povećanja konkurentne sposobnosti naših firmi i stvaranja istih ili sličnih uslova privređivanja uputili smo još Vijeću Ministara BiH prijedlog za hitnu izmjenu Zakona iz oblasti carinskih propisa među kojima je i ukidanje carina na uvoz repromaterijala, investicijske opreme i rezervnih dijelova, kao i uvođenje kvota i kontigenata (s posebnim osvrtom na sektorske kontigente) kao instrument zaštite domaće proizvodnje, održavanja stabilnosti cijena, povećanja kvaliteta domaćih roba i vezivanje domaće proizvodnje, trgovine.

Bilo bi korisno kada bi uslijedila i Vaša energičnija podrška za izmjenu Zakona iz oblasti carina, kako to predlaže poslovni sektor Federacije BiH.

Što se tiče izmjene cijene plina za velike potrošače **pokrećemo inicijativu za izmjenu tarifnog sistema koji se odnosi prije svega na izmjenu cijene prema veličini potrošača i na potrošnju ljeto-zima**, kako je to definisano i u razvijenim zemljama tržišne privrede.

Predlažemo **da se formira stručni tim za pregovore** u koji bi pored stručnjaka iz Ministarstva, trebali biti uključeni predstavnici proizvođača, distributera, potrošača toplotne energije (privredni subjekti) i Privredna komora Kantona Sarajevo.

Nadamo se da će se inicijativa Komore uzeti u razmatranje i da će Komora aktivno učestvovati u donošenju što kvalitetnijih propisa koji regulišu ovu problematiku.

S poštovanjem,

PREDSJEDNIK

Kemal Grebo, dipl.oec.



71000 Sarajevo, La Benevolencija 8,
Tel. (00 387 33) 250 100, 250 101, 250 196, Fax: (00 387 33) 250 137, 250 139
www.pksa.com.ba; webmaster@pksa.com.ba